

欽定剿平三省邪匪方略

正編

三  
五

卷之四

四

四

欽定剿平三省邪匪方略正編卷六十二 戊午年

正月二十四日己丑額勒登保汪新奏言查終報

寨一山皆係懸巖峭壁進路有偏橋一處已爲  
賊人拆去因用木梯及繩索援擊而上官弁兵  
勇疊被賊匪石擊間有傷亡仍俱奮力直前無  
如積雪未消石巖過滑十五日以後始漸晴霽  
將士倍加努力十六日二鼓發兵派令綸布春

等爲北一路成德等爲南一路文圖等爲東一路三路仰攻十七日黎明游棟雲噶拉董寧川張廷楷等首先帶領弁兵搶上山頂其餘亦先後趕上賊匪慌亂無措見有簇擁多人自係首逆覃加耀在內又有一人尙在驅迫賊匪與官兵抗拒必係大頭目旋據都司張廷楷把總孟光爵武舉李晉光外委王登科鄉勇頭目高元

李陞等將首逆覃加耀頭目張正潮拏獲餘賊  
往來奔突我兵等久經恨入骨髓概行斬戮生  
擒覃加師覃加孔張洪海譚連志等一百零六  
名訊無要供亦俱正法其有滾崖墮溝者并卽

戮屍並無一名漏網

臣

等當將覃加耀張正潮

帶赴營中嚴鞠據覃加耀供稱前年起事時同  
夥有七千五百餘人後與林之華合夥共有一

萬五六千人因私立僞號並封僞官以都督爲  
大此外有總先鋒先鋒提巡提點各名目到處  
搶掠因我起事在先爲老營林之華爲中營還  
有前後右三營有左軍師張馴龍右軍師張正  
潮我等先被官兵追殺到黃柏山尙有一萬二  
三千人後又屢被官兵斬戮所存漸少前逃至  
銅鼓包平隴壩一帶又添有跟同入夥之二三

千人迨林之華死後張馴龍被戮衆心畏懼並  
未再有添人張正潮供亦相同臣等復詰以有

無與四川教匪暗相勾結等事據供我等當日  
習教原係張馴龍爲首初原說是修行並未謀  
反前年他說可以行事因我年輕相好稱我爲  
頭後與林之華合夥此外別處的人實不知悉  
等語現在揀派文武各員將該二犯妥速解京

刻下生縛渠魁地方寧輯而宜昌施南一帶均  
與川省毗連湖北本省官兵自應分駐防範其  
餘官兵臣額勒登保酌量帶往四川其被賊滋  
擾之處居民不無拮据應遵

旨加以撫恤現在公同商辦再將軍成德提督文圖  
前因賊匪於滋邱渡河逃竄革去花翎及巴圖  
魯名號臣自抵楚北以來見成德文圖感激





能妥協凡<sub>臣</sub>打仗所歷深山窮谷衝冒雨雪之

處無不隨同前往並未稍辭勞瘁洵屬始終出

力今<sub>臣</sub>前往四川仍將該員帶往至此外出力

文武各員另繕清單恭呈

欽定奏入

上命軍機大臣傳諭勒保明亮德楞泰額勒登保福  
寧曰明亮等自十八日奏到截剿賊匪情形後又

閱六日並未據續有奏報朕厪念軍務自去冬至今  
今日甚一日幾於寢膳皆廢明亮等具有人心寧  
不知之卽使未能拏獲賊首亦應將如何截剿情  
形隨時具奏乃遲逾冬日實出情理之外豈竟安  
坐軍營慶賞年節並不身先統率而專令官兵尾  
追擊賊耶官兵剿賊全在帶兵大員爲之率領如  
能奮勇前進調度有方卽懦兵亦成勁旅倘主帥

先自觀望不前則雖有精兵亦必久而生懈今明  
亮等一路軍威極爲壯盛而剿辦此等分竄賊夥  
似此曠日持久豈以國家除伊二人外卽無可任  
使之入乎明亮德楞泰著傳旨嚴行申飭看來伊  
二人竟不足恃惟待勒保兼程前往尅期底績也  
正在飭催間適遞到額勒登保等奏擒獲首逆覃  
加耀之摺額勒登保福寧剿辦此股賊匪輾轉遲

延經年累月自竄入終報塞後餘匪止百餘人仍不能奮力攻圍及早辦竣直至汪新移營協同剿捕始能將首逆拏獲不但無功而且有過乃摺內尙稱生縛渠魁地方綏輯並臚列隨營文武人員奏請加恩實屬覲顏業經降旨將額勒登保福寧分別黜革俱賞給副都統銜令其圖功自贖額勒登保前賞銀一萬兩仍令該旗大臣照數追繳福

寧罰銀四萬兩卽於川省就近交納以充軍需之  
用此時勒保一路帶兵有人兵力亦厚無須額勒  
登保帶兵前往協剿而漢中竄匪現由五郎一帶  
向東奔竄急須截擊著額勒登保卽帶原領之兵  
速由湖北就近取道赴陝西商雒一帶迎頭截殺  
陝省竄匪聞其生擒覃加耀張正潮等自必先聲  
奪氣若能與明亮等會合夾擊定可一舉殲擒則

不特可免前此遲延貽悞之罪并可復邀恩眷倘  
再仍前玩悞則罪上加罪斷不能再邀寬貸各路  
帶兵大員咸當引以爲戒至福寧前已責令在川  
辦理糧餉事務尤當倍加感奮悉心籌辦俾供支  
無稍絀乏庶可自贖

上諭內閣曰楚北賊匪覃加耀等糾合夥黨在長陽  
一帶肆出竄擾額勒登保福寧帶兵剿辦總未能

及早搜捕任其輾轉逃竄已及年餘此次自巴東折竄歸州在終報寨地方山內藏匿僅剩一百餘人額勒登保等又未能進擊以四五千名之兵及無數鄉勇剿辦百餘窮竄之賊遷延數月今經汪新帶兵到彼協力攻圍始將覃加耀等拏獲實屬有過無功額勒登保著革去伯爵並領侍衛內大臣都統賞給副都統職銜令卽前赴陝西商雜一



帶立功自贖至福寧之罪更重於額勒登保伊本  
由湖北巡撫洊陞湖廣總督楚北教匪勾結竄擾  
卽係伊所轄地方及至旗鼓寨剿賊又任賊輾轉  
奔竄毫無振作福寧本係總督虛銜著一并革去  
亦賞給副都統職銜在川辦理糧餉至汪新一聞  
賊匪折竄長陽之信卽移營前赴終報寨協同剿  
捕此次擒獲賊首或係伊爲之商酌布置能合機

皇朝通志卷六十三  
宜否則卽係額勒登保見汪新到彼自知愧勵始  
能擒渠藏事是汪新尙爲出力著交部從優議敘

如此核其功過分別勸懲庶出力者倍知自奮遲  
玩者不能倖免俾各路軍營其知儆戒其首先擒  
獲覃加耀之都司張廷楷著賞換花翎把總孟光  
爵武舉李晉光外委王登科俱著賞戴藍翎仍令  
以應陞之缺陞用鄉勇頭目高元李陞俱賞給六

品頂戴藍翎以示鼓勵其隨同額勒登保辦理軍  
需之內閣侍讀學士銜原任郎中胡時顯俟軍務  
告竣該員回京補授郎中後遇有內閣侍讀學士  
缺出再行奏補監生六品職銜黃集佑生員邱裕  
霖蔣士魁交與各該撫以相當之教職佐雜補用  
其餘摺內所奏帶兵出力各員均著交勒保察看  
該員等如果始終奮勉著有勞績再行奏請加恩

示獎

二十六日

辛卯

秦承恩奏言賊匪高均德一股前

由城固東竄洋縣山內

臣

因該處北通郿縣蓋

屋鄠縣長安東北通五郎孝義西北抄出雞頭

關之後通留壩鳳縣寶雞均可直達省城暨西

安鳳翔等屬自應先顧北路當卽飛札藩司陸

有仁並飭西鳳二府及所屬廳縣趕緊斷路挖

壕雇勇防守臣卽與王文雄帶領兵勇馳赴大

峪口要隘探蹤迎擊賊匪竄入五郎境內明

亮德楞泰統領大兵分道兜剿並經臣派赴五

郎防守之義首柯以德等帶領鄉勇在黃草坪

地方截殺多人賊匪不敢窺伺廳治遂由東北

竄逸擾及五郎長安交界之高關窺伺夾嶺查

夾嶺係進省要路先經札飭陸有仁派令長安

縣知縣高珣帶領兵勇前赴嶺口防堵復添派  
遊擊張彪帶兵二百名鄉勇五百名馳赴該處  
分布嚴防但兵力尙單臣得有賊匪竄近高關

之信卽與王文雄馳往剿辦途次子午峪接據

高珣等稟報探聞賊匪將至高關卽帶同義首

李煥高甲率領兵勇趕往堵截正遇賊探已到

李煥等施放鎗礮奮勇抵禦賊知有備卽行折

回隨據探報賊匪大隊已由沙坪東南竄至鎮  
安雲蓋寺一帶明亮德楞泰緊隨追剿惟各軍  
營獲犯訊供皆稱賊匪欲由鎮安山陽東竄商  
州直趨豫境此時鎮安一路有明亮等帶兵追  
剿而自山陽以至商雒並無迎截之兵現飭遊  
擊張彪帶領原有兵勇仍暫在夾嶺與知縣高  
珣嚴密防堵派令遊擊邢承誥帶兵二百名鄉

勇五百名在孝義地方擇險堵截另撥兵勇二

百名紮住秦嶺以爲孝義聲援並令臣幕友監

生張顯名馳赴寶雞鳳縣一帶團練精壯可靠

鄉勇二千名嚴守棧道及城固洋縣一帶北山

要隘以防後股賊匪闖入布置已定臣與王文

雄卽帶領兵勇由藍田馳赴商州確探賊蹤如

果由鎮安東竄臣等卽抄出賊前迎頭截殺斷



其竄入豫省之路

同日恒瑞慶成奏言竊查營山縣東黃連堽芙蓉寺簡家壩一帶賊屯週圍竹木叢密稻畦層疊蜀境陰雨連綿徑路沉滑屢加攻撲未卽得手曾飛札知會勒保宜綿惠齡分兵前來前後夾擊臣等日日帶兵更番攻擊不令賊衆休息並將奪獲賊卡地方林箐盡行砍倒使賊匪無

可伏匿復派兵勇二三百人誘賊出巢我兵於

稍寬地方併力夾攻本月初八日賊匪四五千

人果撲下山臣等各帶弁兵分路迎剿斃賊甚

多賊衆大潰奔竄回屯我兵奮力掩殺又斃賊

二百餘人擒賊五十一名追至賊屯忽有一股

賊匪潛伏山溝接應臣等卽令弁兵敵住連日

復令鄉勇設法引誘賊匪不敢復出並將各山

上下挖深溝壕掘斷徑路壘砌木石固守臣等

密派幹練將弁帶領兵勇分投覓跡道路並於

高處日夜哨探賊屯情形十三日五鼓弁兵飛

報夜間三處賊屯火光散亂尙有向東北去者

因大霧迷漫未能真確辨明臣等卽帶侍衛將

備尋蹤馳往行抵新店子黃木寺等處遙見賊

衆由林木深處紛向東北奔竄臣等一面差弁

知會總兵富爾賽觀祥帶兵速赴賊屯搜捕

臣

等先卽帶領馬隊直前截殺鎗箭並施殺死男  
婦數百人餘賊盡向東北老林越竄

臣

等復入

賊屯富爾賽觀祥已帶兵在芙蓉寺等處截殺  
賊匪二百餘人生擒一百八十五名當交隨營

文員審訊僉供賊首羅其清與王三槐冉文儔  
等分夥前來營山原欲由此前往蓬州順慶滋

擾因被官兵截殺數日未得王冉二賊之信羅  
其清恐被攻破屯寨與土賊頭黃道李鄉約等  
商量先往東北附近險峻林深地方暫爲屯聚  
仍候王冉二賊之信實無預定奔竄何處等語  
當將各犯分別正法查營山西達成都東連達  
州南北路逕尤多羅其清股匪攜帶親眷一時  
不能遠竄與陝楚奔走之賊不同若尾追緊急

轉恐擾及未經蹂躪之區似應暫使屯聚一處

俟勒保宜綿惠齡處撥兵前來併力攻擊臣等

現在營山東北蓬州順慶渠縣一帶總路扼要

分佈營卡相機堵剿

同日烏爾圖那遜奏言臣欽奉

諭旨以明亮德楞泰將綠營官兵交臣帶領在寧羌

堵禦姚之富齊王氏等大股賊匪究竟能否堵截

明亮等前奏有無回護之處一併據實查奏等因

臣

帶領索倫官兵在漢中會同明亮德楞泰惠

齡三路夾擊賊匪賊衆狂奔惠齡由西鄉一路

剿捕

臣

隨明亮德楞泰由南江廣元山路追剿

賊復竄入寧羌邊界意在復回陝省德楞泰隨

從小路堵截

臣

隨明亮從大路兜擒嗣抵寧羌

會合明亮德楞泰以該處緊要當飭該州添設

鄉勇並酌留山西兵五百名協同防堵適聞高

均德一股已由南鄭地方涉淺過江明亮德楞

泰星夜拔營將索倫官兵一併帶往留臣防守

寧羌時臣脚氣復發兼冒風寒自思既不能前

行卽不敢畏難避險此臣留守寧羌之實在情

形也臣隨督率地方官兵於通川各卡隘晝夜

巡邏連次拏獲奸細訊據供稱齊王氏姚之富



合爲一股現在廣元縣東北一帶佔住正月初

一日遣伊等探聽寧沔道路欲回漢中等語是

齊王氏姚之富並未隨同高均德過江惟王廷

詔李全張漢潮阮學名等不知下落現在臣疾

漸愈惟有勉竭駑駘悉力堵禦均奏入

上命軍機大臣傳諭勒保明亮德楞泰額勒登保景

安秦承恩恒瑞慶成曰秦承恩奏現在賊匪已由

沙坪向東南竄至鎮安地方且據獲犯供稱賊匪  
欲從鎮安山陽東竄商州直趨豫境秦承恩與王  
文雄由藍田馳赴商州若賊匪果由鎮安東竄秦  
承恩等正可抄出賊前迎擊但自山陽以至商雒  
並無攔截之兵秦承恩等務當兼程行走趕赴商  
州迎堵若稍有遲緩恐賊匪先已竄至該處無兵  
截住竟思闖入豫境大有關係雖秦承恩等帶領

兵勇無多若果能出其不意迎頭截剿將高均德等擒獲卽係秦承恩王文雄之大功否亦當設法堵擊使賊匪不能直向東逸逼回來路正可與明亮德楞泰一路官兵兩面夾攻至賊匪屢欲竄還豫境想該處尙有同教邪匪潛匿冀圖勾結景安當仍駐陝豫交界一帶不動聲色留心防範旣可爲陝境聲援又可消患未萌再前據明亮等奏明

亮由青草關一路迎擊防賊東遁德楞泰由袁家  
莊一路兜剿杜賊北竄正可乘勢進擊今賊匪已  
由沙坪向東南竄至鎮安地方是明亮等竟未能  
將賊匪截住仍係尾追前奏全屬虛詞况山陽商  
雜等處並無迎截之兵伊等若不抄前攔截必致  
直向東趨竄入豫境豈竟念不到此明亮德楞泰著  
再傳旨嚴行申飭昨已降旨令額勒登保帶兵由湖

北取道速赴陝西商雒一帶此時賊匪已向東奔  
該處祇有秦承恩等帶領兵勇趕赴商州堵截兵  
力較單著額勒登保加緊迅赴陝境與秦承恩等  
會合夾擊至烏爾圖那遜留守寧羌竟係藉病逗  
留不思出力大負朕恩若不認真堵禦致後股賊  
匪復又渡江北竄必當重治其罪又據奏拏獲奸  
細供稱齊王氏姚之富現在廣元東北一帶佔住

其王廷詔李全張漢潮阮學名等不知下落等語  
廣元爲南棧要路齊王氏等在彼佔住則防守棧  
道尤爲緊要此時勒保宜綿惠齡遠在梁山一帶

恒瑞慶成又在營山等處剿賊相距皆遠齊王氏  
姚之富如果尙在廣元則該處並無官兵堵截豈  
任聽賊匪在彼往來滋擾耶且齊王氏等股匪旣  
在廣元則前次景安所奏騎馬女賊數百人續渡

漢江又係何人景安係據王文雄札會入告著秦  
承恩卽向王文雄詢問此語得自何人現在姚之  
富齊王氏究在何處是否續渡漢江至王廷詔等  
各逆自必與高均德一股合夥並著秦承恩一併  
查明覆奏又據恒瑞慶成奏報仍不過在營山地  
方攻剿賊匪節次殲賊名雖七八百人其實婦女  
幼孩居半又未能將羅其清擒獲任向東北老林

越竄殊屬無能且據稱咨會勒保宜綿惠齡分撥官兵前來攻擊尤不成話勒保宜綿等正在會擊開萬梁山等處王三槐徐添德一股賊匪豈能分兵前來協剿此時賊匪既在老林竄聚恒瑞慶成斷無與賊坐守之理若能鼓勵現有兵勇設法擒渠尙屬伊等之功否則亦當扼要堵截勿使他竄以待勒保移兵剿辦倘防堵不嚴又任賊匪竄至



未經蹂躪地方復有勾結滋擾或致與王三槐等

合夥則惟伊二人是問

二十七日

壬辰

明亮德楞泰奏言

臣

等前因賊匪

向交溪河一帶敗竄細察賊情不能北竄秦嶺

卽慮東擾五郎該匪在城固洋縣等縣逼擄多

人夥黨較衆是以分帶官兵由袁家莊青草關

兩路前進沿途搜獲匿匪共二百餘名

臣

德楞

泰行至獅子壩探知竄往東岳甸賊匪欲向龐  
家溝前遁卽飛率滿漢官兵進剿斃賊三百餘  
名生擒張廷魁王興貴等一百二十一名復派  
兵三路追擊其時賽冲阿率領吉林協領明保  
等帶領馬兵鎮臣長春率遊擊伯明等帶領雲  
南廣西兵搶上左手王家山乘勝壓剿直衝賊  
隊生擒劉有才等二百三十四名殲斃滾崖者

無數達音泰率遊擊達自祥等帶領漢屯川兵

副都統阿穆勒塔率總管色爾滾等帶領索倫

馬兵由右手大隴溝抄截橫衝斃賊甚多生擒

王老五等一百九十二名 臣 德楞泰率同巴圖

魯侍衛等帶領墨爾根兵丁漢屯奮勇官兵由

中路周家坪馳剿前衝後擊攪殺多時進追三

十餘里殺賊千餘名是日計三路官兵共殺賊

二千有餘生擒賊匪五百四十七名內有賊目  
劉明貴一名割獲首級七百六十二顆並有被  
擄民人謝成富等男女二百九十餘名口從賊  
隊內逃出拋棄器械跪求投誠詢係城固洋縣  
一帶民人當卽收撫官兵進至安于溝因時已  
三更暫行紮住詎賊匪復連夜折回衝撲官兵  
營卡據哨兵稟報卽密飭各兵准備誘賊近前

鎗箭並發賊人擁衆往來衝突連撲三次勢甚

兇悍經賽冲阿達音泰阿穆勒塔各帶官兵陡

從卡內跳出身先士卒併力壓下殲賊千餘賊

始敗退號叫狂奔臨陣投出者又有南鄭褒城

等縣被擄民人張文學等男婦一千二百三十

餘名口交與該地方官妥爲撫卹官兵仍乘勝

窮追於南田溝截殺賊人二百餘名於魚洞子

截殺賊人三四百名於九貫溝紅巖溝四畝地  
等處截殺賊人七八百名生擒頭目朱其貴趙  
文科二名訊係賊營副元帥均無要供卽於軍

前臬示鎗斃僞先鋒楊從廖其昌二名其餘臨  
陣擒獲及山溝林內搜捕者連日共得千餘名  
沿途投出者每日或數十名數名不等該匪本  
欲由金雞河北竄江口經官兵緊躡截剿遂由

旁路翻山敗向甘家礪一帶東竄五郎進擾廳

治該處爲邪匪聚集之所雖經投誠改悔猶恐

乘機蠢動適

臣

明亮一路官兵先已由五郎進

發該匪竄及甘家礪之時正值

臣

明亮派阿哈

保帶領索倫馬兵遊擊張朋帶領綠營兵勇前

往拏卡阿哈保等當卽率兵迎頭截擊

臣

明亮

亦同圖桑阿等繼進殲賊四百餘名生擒張奉

林等一百二十七名該匪遁入深林由小道竄

向五里六里七里各溝臣明亮星夜追擊於喬

家溝貓兒嶺砂坪三道梁竹山溝等處連接五

仗殲賊二千餘名生擒大頭目陳有賢何啟昌

等並餘賊二百十五名官兵復進追至廟了子

該處左右兩山皆係深林密箐該匪乘月夜隱

匿兩山林內欲待官兵追過該處折回抄截當



經阿哈保張明於途中拏獲探信之賊訊出賊

情臣明亮遂因其詭計派阿哈保副將劉廷基

侍衛達爾精阿等帶兵由左手山後抄出臣明

亮等直前撲剿阿哈保等暗從山後搶上山頭

出其不意陡用連環轟擊兩山賊匪登時驚亂

阿哈保等率兵穿出深林壓下痛剿殲賊七八

百名生擒黃世榮等二百七十四名頭目徐大

元胡大益二名官兵一鼓作氣追至樓房溝沿途投出者四百六十七名餘匪亡命前奔官兵

追至西川東川適

臣

德楞泰在十八丈龍王廟

一帶聞信偕賽冲阿達音泰長春率領馬步各兵趕到會合併剿斃賊一千三四百名生擒男婦七百四十七名各山搜出男婦二百八十三名查賊匪北竄漢江後本有萬餘人又於褒城

南鄭城固洋縣沿途逼擄者不下四五千人自  
經官兵趕上日夜抄擊旬日以來剷除業已過  
半在逃之賊勢甚窮感恐情急假裝難民偷竄

臣等已飛札秦承恩嚴飭各營卡留心查拏臣

德楞泰仍率領輕騎勁旅星夜跟蹤緊剿臣明

亮接續前進不與以暇務將首逆高均德等刻  
日就擒至連日打仗頭等侍衛阿那保委署叅

領富新西爾遜西靈阿哈勒章扣驍騎校巴彥  
保守備何君佐馬元把總彭家棟均經受傷此  
外傷亡各兵俟查明另行咨部再前奉

諭旨令將騎馬衝入江心殺賊之黑龍江官兵共有  
若干名查明覆奏查其時派列前隊擊賊者係  
黑龍江官兵一千名該弁兵因賊匪撲近江岸  
卽衝入江心擊殺實爲出色奮勇且邇來日夜

追剿竄匪因馬力迅速仍用該弁兵爲前列每  
遇接仗無不爭先競進其中有屢衝賊隊殲賊  
多名者有馳擊逸匪不遺餘力者有當賊亡命  
衝撲奮力抵剿者均屬分外駩健謹開單恭呈

睿覽

同日勒保惠齡奏言臣勒保白墊江兼程前進

馳抵梁山臣惠齡同提臣富成等帶領官兵由

新寧一路疏通運道先已行至該縣正在齊集

兵力布置進剿間宜綿亦從達州趕到隨將剿

辦情形各就所見互相籌酌

臣

勒保查此時川

省各路賊匪惟王三槐徐添德一股人數衆多

且與白巖山鐵瓦寺兩起賊匪均於開縣境內

勾合屯聚情形最爲猖獗必須先將此路剿滅

方可以次廓清惟萬縣所屬又有新起賊匪分

屯邵家場余家場孫家場廻龍場石壩山等處

黨與日脅日多內有曾柳郭長俊二名爲首伍

一凱梁雲松黎仕澆金照明萬長子李光玉等

俱係頭目因徐添德等擾至梁山新寧先遣曾

柳前來勾結郭長俊等遂糾衆起事其屯紮之

處均逼近梁山若大兵竟赴臨江市一帶進剿

該匪等必乘虛截我後路亦應先行剿辦以免

牽制上 勒保當派富成等帶領官兵由鷺鷥場

廣福場一路前進並派總兵保興副將富森等

帶領兵勇隨後接應以截賊匪北竄臨江市要

路又派署梁山縣知縣方積帶領本地鄉勇前

赴梁萬交界之大功山堵剿廻龍場一路賊匪

派總兵百祥等帶領官兵並派守備陳騰龍帶

領鄉勇從龍灣橋黃茅嶺正路進發臣 勒保惠



齡同碩雲保明興等督兵策應十一日總兵百

祥等前隊兵勇由黃茅嶺進抵邵家場賊匪率  
眾抗拒我兵施放鎗礮連環轟擊由邵家場余  
家場孫家槽甲午灣龍池溝一路攻剿自卯至  
酉追逐五十餘里殲戮無筭餘匪敗至石壩山  
該處地勢險峻沿山築有木寨石牆賊匪卽於  
寨上併力拒守而曾柳等一股先已帶領數百

人向迴龍場彈子壩一路逃竄臣等一面催令

百祥等乘勢進攻一面飛飭富成等迎頭截殺

臣等馳至石壩山下分兵四面圍圍督令碩雲

保同百祥等各帶弁兵於次日五更分爲三路

進攻石壩山賊寨該匪等尙敢恃險抵禦我兵

不避鎗礮奮力攻擊迨至午刻我兵攀援木寨

折毀石牆分路直上短兵相接斬獲甚多餘衆

復由龍門峽一路紛紛潰逃維時富成等先由  
廣福場進抵彈子壩地方正遇曾柳等一股賊  
匪奪路思竄隨策勵官兵全數截住賊匪驚慌  
無措我兵鎗箭並發當將賊匪殲戮殆盡該提  
督探知石壩山賊巢業經攻克卽由龍門峽迎  
剿前來與臣等大隊兵合所有石壩山敗竄賊  
匪亦已全數搜擒計百祥等一路殺死賊首郭

長俊生擒賊目梁雲松等二名殺賊一千一百

餘名拏獲男婦大小一千六百餘名口富成等

一路鎗斃賊首曾柳殺死三百二十餘名生擒

賊目伍一凱等三名賊匪二百五十一名方積

一路鎗斃賊目萬長子拏獲賊匪一百二十一

名訊據賊目伍一凱等供稱爲首之曾柳係新

寧縣十八灣人於上年十二月間經徐添德遣

來萬縣與石壩山居住之郭長俊邀約同教起  
事到處放火裹脅居民原想往開縣一路與徐  
添德王三槐合夥因徐添德等差人來說恐大  
兵先往開縣一路令我等在此探聽官兵過去  
便截後路迨十一日官兵到來郭長俊齊集衆  
人退守石壩山寨令曾柳等先到臨江市徐添  
德處報信多派人來救應不想十二日攻破寨子

會柳被鎗打死我等都被拏獲等語並將會柳  
郭長俊首級令該犯等指認屬實隨將伍一凱

等犯寸磔梟示餘匪全行正法其被擾各場市

村莊難民飭令地方官出示招徠妥爲撫卹惟

王三槐徐添德等一股現在盤踞臨江市九龍

山一帶白巖山賊首林亮功等率衆擾至渠口

鐵瓦寺賊首秦在明等亦逼近開縣聯爲一氣

臣

等現在晒探路徑卽行分路趕緊攻剿務期

計出萬全迅擒首逆再查白巖山賊匪本係舒

亮穆克登阿帶領剿辦乃駐兵日久不能設法

進攻近聞林亮功等連次下山衝突營卡與王

三槐徐添德等合夥焚掠是舒亮穆克登阿旣

經遲緩於前又不能認真堵截於後咎實難辭

臣

現在督兵由臨江市一路進剿一俟進抵開

縣查看地勢是否實係兵單不能兼顧抑或有  
心玩悞自當據實嚴叅不敢稍涉瞻徇

勒保又奏言

臣

前抵梁山與宜綿會晤當將各

路軍情悉心商榷

臣

因後路糧運緊要並詢悉

宜綿自去年夏秋以來染患脾泄病症是以囑

其留駐梁山以資策應

臣

卽於初九日會同惠

齡帶兵起身途次接據陝省文武稟報高均德



一股經明亮等剿散分股四竄從漢中之長寨  
涉淺渡江刻下雖經明亮德楞泰卽日由褒沔  
一帶馳抵截擊然凡有通往西安省城及與豫  
楚交界之各州縣必須督率認真堵截宜綿係  
本任陝甘總督如能回至漢興一帶擇要駐劄  
會同秦承恩督率籌辦不但轉輸堵禦一切呼  
應更靈卽本任事宜亦可就近兼顧而惠齡亦

可與臣同在一路合力會剿不必復行赴陝至

川省後路事宜侍郎英善在川年久且此次軍

務本係原辦之人較爲熟悉英善駐劄保寧其

所帶官兵除分撥各路外止有數百名如宜綿

回至陝西則英善自可移駐達州新寧一帶經

理川省後路糧餉保寧所屬地方現有臬司先

福道員李鉉同在郡城籌辦堵禦輓運事宜亦

可不致有悞均奏入

上命軍機大臣傳諭勒保宜綿明亮惠齡德楞泰曰  
勒保甫抵川省初次攻剿卽殺賊一千四五百名  
生擒賊目三名賊匪三百七十餘名拏獲男婦大  
小一千六百餘名將新起賊匪全數洗蕩此入川  
第一功可嘉之至勒保著賞給金盒喜字牌大小  
荷包至川省帶兵各員勒保未到之先從未見得

有此勝仗今勒保到彼調度有方俱各人人思奮  
認真殺賊亦屬可嘉惠齡富成著賞給玉喜字牌  
大小荷包百祥保興穆維碩雲保六十七亦著賞  
給玉喜字搬指大小荷包此時勒保統領勝兵迅  
赴開縣臨江市一帶進剿乘此兵威勝勢將王三  
槐徐添德冉文儔等速行擒獲殲盡餘黨肅清川  
東後卽移兵迅赴川北廓清全境又據奏陝省軍

務緊要請令宜綿回至興漢駐劄辦理及英善駐劄達州一帶經理糧餉所奏均與朕前旨不謀而合可見君臣一心事機極順宜綿接奉前旨自己由川赴陝惟當酌量情形或往西安或往興漢總擇最要之處駐劄與秦承恩督率籌辦於轉輸堵禦自更得力其川省糧運前已有旨專交英善福寧二人辦理至白巖山股匪曠日持久迄未就擒

舒亮穆克登阿已難辭遲緩之咎今竟任其衝突

下山合夥焚掠伊二人所司何事著勒保查看該

處地勢如果有心貽誤卽行據實嚴叅必當加倍

治罪從前帶兵各員因未經懲創罔知顧忌此次

必當申明紀律嚴辦示懲勒保不可因業經叅奏

於前又思取和於後也至明亮等所奏仍不過在

五耶一帶分路剿賊雖摺內稱殺賊六七千名俱

係高均德等在漢中一路逼脅裹掠之人卽生擒  
投出者大半皆係該處難民婦女幼孩並未能擒  
一首逆殊不愜意向聞賊匪詭計將邪教同夥之  
人悉行帶往向前奔竄將裹脅難民等留於後路  
牽綴官兵官兵趕到僅將此等在後之人殲戮虛  
報功級而大夥匪徒轉得愈竄愈遠每次殺賊大  
率如此今明亮等此奏仍係復蹈前轍且據稱德

楞泰督率勁旅跟蹤進剿明亮接續前進等語尤不成話賊匪既向東奔竄明亮德楞泰自應設法抄向賊前截擊乃德楞泰已落賊後而明亮俟德楞泰帶兵去後始行接續前進豈不更落賊後明亮德楞泰著傳旨嚴行申飭

上諭內閣曰明亮等奏前次騎馬衝入江心迎擊賊匪奮勉出力之吉林黑龍江官兵等著照所請副



協尉富僧額賞給斐禮巴圖魯名號福當阿賞給  
博齊巴圖魯名號佐領明德賞給噶爾薩巴圖魯  
名號仍照例各賞銀一百兩協領齊木巴圖防禦  
福珠隆阿倭神保西靈阿均著賞戴花翎協領克  
什保著換戴花翎委叅領伊爾賡阿委佐領綽普  
通阿委防禦庫岱蘇保福興驍騎校龍泰扎瑚泰  
委驍騎校舒勒哈善幹品喀薩克領催崇神保額

勒金諾木塔前鋒伯興阿金保馬甲金精保哲森

保福爾金保等均著賞戴藍翎以示鼓勵

...

...

...

...

...

欽定剿平三省邪匪方略正編卷六十三

戊午年

二月初三日

丁酉

秦承恩奏言

臣

與王文雄帶兵

趕赴商州抄出賊前探剿途次據孝義廳鎮安  
縣稟報高均德股匪於十九二十兩日在鎮安  
太白廟風崖溝雲蓋寺等處經明亮德楞泰大  
兵趕上疊次痛剿擒獲多人餘衆向洵河奔竄  
查洵河一帶東南可至洵陽東北可達山陽明

亮等緊躡兜剿臣等自商州趕赴山陽正可抄

繞截擊惟現據漢興道文需南鄭縣何振權等

稟報後股賊匪已由川省竄入西鄉簡池壩一

帶西鄉在漢江之南西通南鄭褒城東通紫陽

興安江之北岸係城固洋縣稍東係石泉漢陰

路徑紛歧賊蹤靡定除飛札鳳邠道王文湧嚴

守雞頭關要隘並增僱鄉勇緊守城固洋縣西

路卡隘外現在漢中一帶  
有柯藩愛星阿田有成  
等帶兵五千餘名分布  
防守今賊已入境

臣

卽飛飭就近帶兵馳赴  
截剿惟此股賊匪倘係  
齊王氏王廷詔等合夥  
尙當酌添兵力與柯藩  
等會合剿辦而

臣

與王文雄所帶兵勇除  
留防

夾嶺孝義廳等處外現  
帶兵力無多兼須顧住  
東北兩路此時明亮德  
楞泰剿捕高均德一股

屢有殺獲正在得手之時如能於數日內全就

掃除自可同領勝兵併力向南剿辦萬一匪衆

狂奔潛竄尙須跟蹤追捕臣已飛札明亮等酌

量情形分兵截剿并酌留一人會辦後來之賊

以免延蔓

同日觀成劉君輔奏言官兵奪佔茶園嘴後層

層進逼賊匪見險要已失於白果坪馬桑溪土

地堦等處添築木城石卡併於山頂深林密箐

中往來叫噪臣等揣度賊匪糧盡力屈故作鴟

張或乘雪夜嚴寒或假扮鄉勇拚命突圍均未

可定密飭叅將呂朝龍等加緊防範並挑派得

力弁兵鄉勇於山腰坎脚凡可出沒處所更番

設伏乘勢襲擊初二日夜間賊匪於雪霧昏黑

中潛下山溝直撲茶園嘴新紮營卡經伏路千

總楊富貴王平方外委劉建功馬彪帶領兵勇  
三百名於山嘴樹林內埋伏瞥見賊匪下溝我  
兵鎗箭齊發截其歸路痛加殲殺守卡將備呂  
朝龍劉忠魁及弁兵等齊用石塊飛擊並用劈  
山礮位連環轟打賊始潰散天明查點擊斃賊  
匪五十二名其附近青杠埡口之羊毛澗營卡  
於初四日三鼓賊併力衝撲經遊擊楊洪新督



飭兵勇鎗礮齊發斃賊甚多次早搜獲受傷賊

匪龔紹祖等三名據供陳崇德見周圍營卡嚴

密總想逃走令伊等黑夜衝卡出去以便一同

奔竄當將該犯等寸磔<sub>臣</sub>等復躡看東西斜坡

嶺與土地埡緊接該處亂石危坡本無道路若

從此迤邐攀援而上可以得手十二日乘天氣

稍霽卽抽調各卡官兵於十三日戌刻<sub>臣</sub>等督

率協領蘇勒芳阿等率領兵勇從斜坡嶺繞道

攀越而上爲一路都司沈文同守備劉順千總

傅廷剛從二層巖隨後進發接應爲一路天甫

黎明把總方得富外委謝福榮柯南杞從斜坡

嶺攀藤附葛首先搶上賊卡官兵砍開木柵賊

匪恃其地勢險仄拚命格鬪方得富腿受石傷

謝福榮柯南杞力戰陣亡惟時叅將呂朝龍都

司沈文同等帶兵蒞進斃賊四十餘名將土地  
堽石卡奪佔而賊匪於對面懸巖之上密紮隘  
卡安排木石兵力御攻不能施展未能即日蕩  
事<sub>臣</sub>等愧懼無地現在嚴飭各卡備弁加緊兜  
圍防其情急逃竄一面添鑄大礮盡力攻取均  
奏入

上命軍機大臣傳諭勒保明亮德楞泰觀成秦承恩

日高均德股匪前在鎮安地方經明亮等剿殺六  
七千人業已殲斃及半如果上緊繞前兜剿何以  
復任賊匪又向東南洶河奔竄可見伊等前奏竟  
係虛言且秦承恩業經奏到而伊二人並未續奏  
仍屬延緩明亮德楞泰著再傳旨嚴行申飭至後  
股賊匪由川省竄入西鄉簡池壩一帶尙在漢江  
南岸此時漢中等處有柯藩愛星阿田有成帶兵

五千分布防守秦承恩已飛札伊等馳赴西鄉迎  
頭截剿著傳諭柯藩等就近速往一面守住北岸  
一面渡江進擊斷不可再令賊匪偷渡北岸及從  
南岸竄入南鄭興安等處再烏爾圖那遜係在寧  
羌駐劄茲後股賊匪業至西鄉自己越過寧羌烏  
爾圖那遜何以並不設法堵截若此股賊匪經柯  
藩等截住則烏爾圖那遜正當帶領現有之兵向

前進剿亦可爲前後截擊之計至所稱飛札明亮  
等酌量分兵截剿並酌留一人會剿後股之賊所  
見亦是前次明亮德楞泰追剿高均德股匪將吉  
林黑龍江勁旅全數帶赴陝省竟置姚之富齊王  
氏等大夥賊匪於不顧節經降旨嚴飭並以後股  
賊匪若接踵而來陝省無大兵堵截則姚之富齊  
王氏等必思趕上高均德一股合夥今秦承恩所

奏果不出朕所料若明亮德楞泰前此分一人酌帶勁兵在南岸堵剿則齊王氏王廷詔等豈能闌入陝境是伊二人調度乖謬之罪更無可辭伊等若能速將高均德等擒獲殲淨餘匪合兵南向迎剿後股賊匪尙可勉自湔贖倘高均德尙在奔逸所餘賊匪無多明亮德楞泰二人內卽分一人酌帶勁兵回向西鄉一帶迎剿如伊二人實有不能

分身之處卽於巴圖魯侍衛及總兵內派令二三人帶兵卽赴西鄉等處幫同柯藩等夾擊亦可得力著明亮等酌量而行不可稍存觀望致有貽誤又據觀成等所奏祇係將土地堙石卡奪佔殲斃賊匪不過數十名實屬無能已極老木園賊匪不過如草加耀一股窮蹙餘生無難立就擒獲且剿淨一處則地方少一處滋擾而官兵亦可抽往他



處協剿豈不更易集事乃觀成等日久未能蕝事  
而摺內尙稱賊匪恃險紮卡官兵仰攻不能得力  
尤屬無恥觀成劉君輔著再傳旨嚴行申飭所有  
打仗受傷之把總方得富曾否平復陣亡之外委  
謝福榮柯南杞俱著咨部加等優卹再高均德股  
匪由鎮安竄往洵陽一帶該處毘連白河距鄖西  
甚近僅有路超吉一人在彼防守兵力較單著額

勒登保卽速馳赴鄖西幫同悉力防堵勿任賊匪  
闖入楚境若能逼令仍向西竄則明亮等正可迎  
頭截擊額勒登保不可不勉圖自贖也

上諭內閣曰現在陝省軍需緊要著於部庫內撥銀  
二百萬兩迅速解往陝省備用

初五日巳亥宜綿奏言臣於正月初五日自達州

起程迎會勒保先後馳抵梁山計議軍務勒保

同惠齡等統兵由余家場一路進發臣暫駐梁

山督辦後路防堵及接濟軍火糧餉等事十一

十二兩日勒保等分路進兵剿洗余家場邵家

場甲午灣龍池溝一路賊匪並攻破石壩山賊

寨擒斬首逆郭長俊曾柳伍一凱等二千餘人

此起賊匪俱經殲戮無遺其被擄男婦大小一

千六百餘名口解交臣處審辦臣隨委隨營辦

事之知府龔景瀚等隔別研訊內郭中秀等九  
十三人雖係被擄曾經隨同殺人放火甘心從  
賊法無可貸卽行處決其婦女幼孩九百七十

二名口內賊目伍一凱之母伍石氏妻伍唐氏

子伍國璽女伍長妹賊目黎世澆之妻黎周氏

子黎滿兒女黎科妹賊目李光玉之子李明達

共八名口係逆犯家屬律應賞給功臣爲奴隨

交梁山縣監禁彙辦其餘男丁李正升等三百  
九十一名婦女幼孩曹張氏等九百六十四名  
實係良民與賊匪所居附近不及逃避均被逼  
脅入寨官兵一至卽行投出並無從逆抗拒情  
事自應省釋以廣

皇仁臣隨令釋回原籍交地方官妥爲安插婦女幼

孩招其家屬承領無家屬者官爲留養照難民

之例一體撫卹現在勒保等分兵兩路由豆沙  
關彈子壩進攻臨江市剿辦王三槐徐添德林  
亮功秦在明等數股賊匪臣暫駐梁山督飭道  
府將糧餉軍火源源運送並督率文武員弁分  
布隘口嚴密堵禦

同日額勒登保汪新奏言查覃加耀等就擒殲  
淨餘孽之後楚省官兵原可裁撤歸營但念川

中教匪尙未剿淨與湖北接壤之處甚多且近日接准秦承恩景安來咨知高均德等兩股賊匪由漢中一帶先後竄渡漢江現在洋縣一帶滋擾去湖北鄖陽不遠且上年派守鄖陽江岸之河北鎮臣張文奇及防兵二千餘名現經景安撤赴豫省防堵目下鄖郡北岸兵守空虛擬將現在軍營之湖北官兵全行留楚分駐鄖陽

宜昌各邊境要隘令宜昌鎮總兵張廷彥駐劄  
巴東界嶺一帶以扼夔巫之路提督文圖帶領  
江西官兵駐劄鄖陽南岸之房竹一帶以防大  
寧之賊襄陽鎮總兵路超吉駐劄鄖陽北岸之  
鄖西一帶以截漢中之賊並令就近兼防江岸  
其荊州府爲水陸通衢將軍興肇領兵未回成  
德帶有荊州滿兵及安徽兵卽移駐荊州以資



捍衛如此分駐川省一時或有徵調亦甚近便

其湖南省分駐湖北各州縣官兵均撤回湖南

原營慶溥關騰等原帶之廣東廣西興漢官兵

二千餘名臣額勒登保帶領分起酌由水陸兩

路前赴四川剿賊卽於二十二日帶同綸布春

巴圖魯侍衛等自營起程二十四日先後行抵

巴東催令慶溥等所帶官兵行過一二起後臣

額勒登保卽趕赴夔州府如迎頭可以擊賊沿途卽帶兵剿辦均奏入

上命軍機大臣傳諭勒保宜綿額勒登保汪新曰宜綿奏暫駐梁山策應後路前經降旨諭令該督回陝此時自己接奉惟當遵照速赴西安或在漢興一帶總擇扼要之處駐劄與秦承恩督率籌辦於轉輸堵禦一切自更得力至勒保一抵川境事機

極順所調黔蜀各兵自己陸續到齊務須乘此勝  
勢速將開縣臨江市屯聚各首逆按名擒獲肅清  
川東餘孽卽赴川北將營山等處竄聚之賊痛加  
殲戮一律廓清至額勒登保前因高均德股匪竄  
往洵陽逼近鄖西已降旨令卽取道湖北速赴鄖  
西幫同路超吉堵剿今據奏業經帶兵由巴東赴  
川自尙未接奉前旨現在鄖西一帶雖有文圖路

超吉在彼駐劄究覺兵單難恃若額勒登保起身  
後距楚不遠可以馳回鄖西仍當帶兵改道赴彼  
堵剿倘賊匪由洵陽竄往正可奮力直前與明亮  
等兩面夾擊若此旨到時已抵夔州距鄖西較遠  
則竟不必轉回惟當聽候勒保調度實力幫同剿  
辦開縣一帶賊匪至汪新係該省巡撫巴東現無  
應辦要事亦著速赴鄖西與文圖路超吉商同嚴

密防堵

初八日

壬寅

恒瑞慶成奏言

臣

等於營山地方節

次攻擊羅其清等股匪旋復竄赴高山觀攔路

蛭龍岡寨等處深山老林藏匿賊數稍多出没

焚掠

臣

等所帶之兵不敷分布圍攻而山徑紛

歧恐其闌入蓬州順慶一帶未經蹂躪之處滋

擾

臣

等前此攻剿芙蓉寺賊巢時曾令隨營知

縣曹用棻章廷楓等趕鑄鐵礮六位當派副將  
德忠遊擊岳寧阿帶兵六百名兼同該縣等攜  
帶礮位先即馳赴蓬州險峻要路埋伏堵截

臣

等即帶領將備弁兵躡蹤追剿賊匪果由高粱  
寺雞公嶺一帶直奔蓬州一路該副將等伏於  
山堽險要隘口俟賊上至半坡施放鎗礮擊斃  
一百餘人賊從原路折回適

臣

等督兵趕到賊

匪驚慌失措臣等與總兵觀祥率領侍衛江鼎

保邦等及馬步弁兵分隊併擊斃賊二三百人

餘匪俱各奔上大山深林據險潛伏亦放鎗抵

拒時已昏暮密雨不止臣等帶兵與賊對紮山

梁次早觀祥仍用鎗礮轟擊臣等分帶奮勇弁

兵暗由兩旁山脚密林內抄出攀援而上奮力

攻撲賊匪數次捨命下壓皆被我兵擊回隨即

奮力向上仰攻一擁齊登賊衆不能支持紛紛  
向東奔逃追殺二十餘里又殺賊二百餘人生  
擒黃文彩等共六十六名內有大小頭目苟得  
文等三名卽行分別凌遲梟示賊目羅其清等

一夥分股向儀隴巴州一帶奔竄臣等當卽督

兵緊躡賊蹤又探聞冉文儔一股在巴州境內  
盤踞多日通江南江二邑地方俱有賊匪滋擾



三州縣爲保寧所屬距郡城均不甚遠臣等惟

有儘此兵力酌量緩急相機兜截剿殺所有打

仗傷亡弁兵查明另行咨部

同日福寧奏言臣酌帶弁兵入川會剿於本月

十九日行至夔州由雲陽萬縣一帶徑抵梁山

面晤宜綿知川東川北各股賊匪現在俱聚東

鄉達州一帶勒保當剿辦喫緊之時未克分身

宜綿自當回駐興漢督率防範其川省軍糧川

北由潼川順慶運送達州川東由重慶夔州運

送梁山均屬充裕臣既入川境自當接辦以便

宜綿速回陝省遂於二十七日帶兵自梁山起

程馳赴勒保軍前隨同剿辦至英善係軍需熟

手即可趨赴達州梁山一帶接辦後路糧餉臣

在軍前督飭糧員供支各營兩處互相照料似

於軍務更爲有裨

同日柯藩奏言臣連接署鎮田有成來信有巴

州竄來苟張二姓首逆率領羣匪於正月二十

五六兩日由西鄉之飲馬池連撲堰口經田有

成設伏擊退殲斃賊匪五百餘名兵勇間有陣

亡受傷正在催兵進追接據西鄉縣典史劉紹

拱稟報又有通江一股賊匪突至麻柳壩焚燒

集三子牙具名至羅卷二十三  
逼近西鄉縣七十里惟恐兩面受敵仍回堰口

布置堵截等因臣查堰口距西鄉縣城祇二十

里田有成一路兵力稍單隨派遊擊洪德帶領

山東兵五百名平利鄉勇一千名卽日趕赴合

力攔截旋接劉紹珙稟報齊王氏一股賊匪自

通江竄來於二十六日在麻柳壩焚掠仍回罐

子山紮營等語查罐子山迤西可走沔縣寧羌

西北可達漢中正東直達石泉漢陰正北九十  
里卽係洋縣路路皆通漢江賊人紮駐罐子山  
勢欲偷渡刻下城固洋縣漢中等處水勢正淺  
處處可涉自沔縣以西寧羌地方係在江水發  
源之外與下遊水深處迥不相同近據巡哨兵  
勇拏獲奸細耿茂順訊據供稱因下流水深難  
以偷渡是以前來打探虛實要從漢中上下過

江等語隨將該犯正法伏思賊人詭計多端倏  
分倏合往往聲東奔西牽掣官兵乘隙奔竄況  
後無追兵前無攔截臣將所帶官兵自寧羌至

涇門五百餘里凡灘淺緊要之處設卡十一座

嚴密防堵其涇門以東距此寫遠實有鞭長莫  
及之勢臣已飛札田有成加意防範並飛飭漢

陰石泉等廳縣沿江文武多集鄉勇協力堵截

均奏入

上命軍機大臣傳諭勒保明亮德楞泰福寧恒瑞秦承恩慶成柯藩曰賊匪欲自山內竄往蓬州恒瑞等派兵於要路截殺賊始折回並攻克賊匪屯聚山梁殺賊數百名此次雖未能將逆首羅其清擒獲但恒瑞等一路究屬賊多兵少尙能覓路邀截打仗殺賊較之明亮德楞泰擁有強兵遷延時日

猶爲彼善於此又據柯藩奏西鄉地方有巴州通  
江賊匪分股奔竄訊據獲犯供稱賊匪總欲從漢  
江上下游偷渡滋擾柯藩現已於淺灘緊要之處  
設卡防堵惟當同田有成等往來巡查加意防範  
爲要至福寧以川省軍糧等項尙爲充裕英善又  
係熟手可以辦理無悞伊卽帶兵馳赴勒保軍前  
隨同剿辦但後路糧餉關係最要勒保一路現在



帶兵有人自可無須福寧在彼仍應遵照前旨會  
同英善專辦糧餉

初十日甲辰勒保惠齡奏言查王三槐等與白巖

山鐵瓦寺兩股賊匪彼此勾結傾巢同竄盤踞  
臨江市九龍山一帶人數極多臣派提督富成

等繞道馳赴寶山關與總兵朱射斗合兵由南  
埕場一路迎頭兜剿臣等於十三日統兵由彈

子壩赴臨江市正路進發以爲兩面夾擊之計  
詎該匪等於十四日官兵未到之先連夜由小  
寨子三滙口梅子壩等處分路奔逸查各該處  
均與新寧東鄉連界必須另行設法隨飛飭富  
成等卽由竇山關躡路馳赴新寧總兵百祥副  
將雷仁等帶兵接應派令副都統碩雲保總兵  
保興等由三滙口跟蹤追擊副將達桑阿等帶

兵接應並查東鄉開縣交界又有旁路可達太

平令提督穆克登阿總兵艾如文卽由開縣至

東鄉一帶遙爲堵禦並令舒亮帶兵接應

臣勒

保惠齡卽同明興等帶兵由新寧進發十七日

寅刻富成等進抵新寧正值王三槐徐添德等

欲由離城五里之普安場直撲縣城該提督等

帶兵攻擊賊匪竟敢恃衆抗拒我兵施放鎗礮

自卯至未殲戮甚多適大隊官兵趕到臣等分

帶將備督同富成等分爲三路馳擊三十餘里

直至永興場沿途殺斃賊一千二百餘名生擒

李富等二百三十六名餘匪望東奔竄適接據

碩雲保保興等一路稟報十八日進抵三匯口

大鼻梁地方正遇賊匪數千在彼擄糧造飯官

兵追及并力剿殺斃賊三四百人生擒二十四

名並據探幸穆克登阿等一路官兵在燈草壩

遇賊接仗亦有斬獲<sub>臣</sub>等因思保興穆克登阿

兩路俱各遇賊接仗驟難繞至賊前而富成等

一路所剿賊匪人數本多若追躡過急則東鄉

一面空虛賊俱由此分竄徒事尾追殊不得力

因卽派副將富森帶兵一千五百名在新寧永

興塲留防後路<sub>臣</sub>等督同富成等連夜由七里

峽江口梁翻山行二百餘里始得抄赴賊前二  
十二日前敵至東鄉縣屬之桃花坪正遇前隊  
賊匪三四千人蜂擁而來富成等督兵截住痛  
加剿殺有馬兵許萬清首先將騎馬賊日張方  
化擒住餘匪紛紛潰逃大半俱向豐城場寨上  
恃險佔踞<sub>上</sub>等卽分帶官兵兼程趕到查看該  
處山寨三面懸崖一線狹路卽飛催富成等連

夜圍攻並添派重兵緊把要口四面攻擊賊匪  
放鎗拋石抵死抗拒富成等帶領奮勇弁兵紮  
梯直上賊見官兵四路上寨慌忙奔竄悉被我  
兵刀砍矛戳殺死二千一百餘名內有王三槐  
手下先鋒余爾欽首級一顆驗認屬實生擒二  
百八十餘名內有賊目張方化吳士奇戴賢德  
范興太四名訊知此股賊匪卽係余爾欽所帶

爲王三槐前隊各首逆帶同後隊賊匪均在五  
寶場一帶屯踞因見各路均有官兵先令余爾

欽率衆探聽商量要往東鄉後河一帶與羅其  
清冉文儔等合夥除將各犯分別凌遲正法外  
此次打仗守備毋之恭外委劉應魁均經受傷  
其餘陣亡受傷兵勇另行查明咨部惟是首逆  
未獲夥黨尙多現在均向五寶場土黃壩等處



逃竄亟須分路兜擒臣勒保惟有督飭各路提

鎮將領確探賊蹤上緊剿辦

勒保又奏言臣行抵臨江市查白巖山賊匪已

經傾巢而出連日打仗拏獲活賊訊據供稱王

三槐等先於正月初二日遣人赴白巖山勾結

自初四日始林亮功等帶同全夥男婦一萬餘

人陸續由排牙口一路竄出與王三槐等合夥

初七八九等日攻撲開縣城池初十日該匪等  
卽同夥竄赴臨江市屯聚查舒亮穆克登阿紮  
營韓彭坳林亮功一股賊匪本係專交伊等剿  
辦且所帶官兵不下六千餘名力量不爲單薄  
而株守該處時越半年及至林亮功與王三槐  
等彼此合夥在開縣滋擾舒亮穆克登阿一籌  
莫展旣不立時追擊迨初十日賊匪全赴臨江

市又不趕緊跟蹤進剿遲悞之罪實無可辭相

應請

旨將舒亮穆克登阿革職交部治罪以爲貽悞軍務者戒

勒保又奏言查白巖山鐵瓦寺匪衆與王三槐  
均勻合竄逃此起賊匪內王三槐冷添祿稱爲  
白號徐添德稱爲青號樊人傑稱爲黃號近來

各處裹脅又分爲月藍等號人數多寡不等樊  
人傑原係襄陽教首樊掌櫃之子亦爲此起渠  
魁自勾結林亮功等分股從新寧竄至東鄉境

內臣現設法圍剿其羅其清冉文儔一股自去

年十一月內與王三槐等分夥之後屯紮營山  
滋擾達州後路雖經恒瑞慶成接仗數次賊鋒  
未挫該首逆等現與陝西賊目阮正澂張異材

等彼此合夥又有儀隴賊目鮮大川南江賊目  
馮元捷一同嘯聚於本月初九日焚掠巴州所  
屬之江口地方並分股滋擾達州之蒲家場石  
橋河東鄉之雙河場胡家場等處其餘蹂躪村  
莊亦復不少齊王氏等一起賊匪節據廣元等  
處文武稟報僉稱自高均德等奔往城固洋縣  
之後齊王氏及伊姪齊國謨亦尾隨入陝至王

三槐等現竄之五寶場一帶爲東鄉之前河羅  
其清等所竄之胡家場一帶爲東鄉之後河俱  
係太平通江入陝之路臣屢次獲犯訊供僉稱

該匪等欲往陝西合夥察其去向似屬有因查  
川省廣元南江通江太平大寧一帶在在與陝  
境毗連沿邊如竹峪關漁渡壩等處又係賊匪  
出入熟徑是以現派原任總兵楊秀帶兵八百

餘名就近由東鄉後河前赴太平防守並札令

恒瑞慶成將原帶官兵由儀隴巴州馳赴通江

一帶擇要堵禦以遏其入陝之勢第地廣兵單

總未能處處周密隨又檄飭陝省防守之署鎮

臣田有成漢興道文需等一律認真堵禦其高

均德一股賊匪自應仍交明亮德楞泰等就近

設法兜擒楚北一路亦係賊匪往來出入之區

現聞額勒登保已將首逆覃加耀等殲擒蕝事  
應令迅帶官兵由荆襄而下前赴鄖陽一帶相  
機堵截興漢一路如有賊匪折回則應交宜綿  
秦承恩督同柯藩等嚴密籌備臣仰仗

天威如能將王三槐等各股賊匪次第殲除卽帶勝  
兵兼程前進視何路緊要卽赴何路督辦似於  
大局有益總之此次賊匪奔竄多途兩年以來



展轉追逐往往兵未見賊而已疲賊不見兵而益肆實緣各路兵分勢單不能併力夾擊所致

且臣經過川省被賊各州縣目擊沿途大小村

庄焚燒殆盡有因距賊較近百姓尙未歸復者亦有已經復業又遭賊匪蹂躪者賊到之處住則飽糧而居行則縱火而去戕其老幼脅其丁壯以此爲常若不急事剿除則日復一日爲患

滋甚臣荷蒙

委任一到軍營卽與各提鎮將領等剴切開導並將  
舒亮穆克登阿據實劾叅不敢稍避嫌怨是以  
連日發兵進剿察看闔營將士尙知勇往向前  
較前日稍有起色嗣後惟有殫竭血誠申明紀  
律鼓勵兵勇以期早獲渠魁庶幾上慰

聖心厘注

同日秦承恩奏言臣與王文雄由商州馳抵山

陽探聞高均德一股經明亮德楞泰疊次痛剿

隨由大新川直奔鄖西欲竄豫境臣與王文雄

帶領兵勇星夜馳至漫川關由東北兜截明亮

德楞泰分兵抄出賊前由東面迎擊賊遂翻山

向西奔竄仍折回鎮安之西毛坪磨石溝一帶

明亮德楞泰統領大兵緊躡追剿查鎮安東通

山陽北通孝義西通五郎此時明亮德楞泰俱

在東北賊匪諒不敢東竄惟西北兩路兵備甚

單已飛飭派防五郎孝義及秦嶺夾嶺各員弁

督率兵勇加意嚴防臣亦卽同王文雄帶兵馳

回山陽一帶探明堵截至後股賊匪前由川省

竄入西鄉簡池壩因該處鄉勇防守嚴密復折

回九元關分路竄至麻柳壩拴馬嶺等處滋擾

據田有成報稱拴馬嶺之賊於正月二十五日  
由飲馬池谿河過渡經該鎮督率兵勇預行埋  
伏乘其半渡突出截擊殺斃二百餘名賊卽退

屯楊溪河該處路通石泉紫陽現在探蹤堵剿

等因臣查田有成防守西鄉原帶兵勇無多東

路石泉一帶難以兼顧卽興安郡城亦祇有防

兵數百名亟須酌添兵力接濟而臣原帶兵丁

一千名除留防夾嶺等處要口外現止有兵五百名王文雄所帶之兵尙須兼顧豫境斷難零星分撥除飛飭延榆綏道溫承惠多僱鄉勇防守興安郡城並酌派員奔馳赴石泉紫陽會同地方官添募鄉勇嚴密防堵外仍再行札會柯藩等速由漢中趕赴西鄉截剿以免蔓延均奏

入

上命軍機大臣傳諭勒保明亮德楞泰惠齡景安秦  
承恩曰賊首王三槐等與白巖山鐵瓦寺兩股賊  
匪盤踞臨江市九龍山一帶經勒保等兩路夾擊  
賊匪聞聲先竄勒保等卽跟蹤馳擊並繞道抄出  
賊前截住痛剿又追至豐城寨奮力攻擊共殲賊  
三千餘人甚爲可嘉至所奏賊匪詭詐伎倆及官  
兵玩悞情形皆深中其弊且籌辦機宜均與前旨

昭合殊可嘉尙又據叅奏舒亮穆克登阿請革職  
治罪所辨甚是行軍之道全在賞罰嚴明帶兵人  
員方知懲勸前此各路督辦大臣惟事姑息因循  
毫無振作以致人多觀望迄無成功總由督辦大  
臣先不免有退避遷延情事是以威令不行卽遇  
此等玩悞之員亦不敢遽行叅奏今勒保到川後  
力加整頓親身督率方能無所瞻顧據實劾叅帶



兵各員自必益加畏服不負總統之任舒亮穆克  
登阿已另行降旨斥革此外各路帶兵人員似此  
懈弛貽誤者恐尚不免勒保務須留心查察據實  
一律嚴叅不可稍避嫌怨其四川提督一缺卽著  
勒保於軍營打仗出力人員內核其才具勞績或  
於提督中酌量調補或卽於出力之總兵奏請陞  
用又秦承恩奏高均德股匪經官兵分路兜截折

竄鎮安此股賊匪前竄入陝境時爲數本屬無多

卽或有脅從之人節經明亮等剿殺據奏殺賊已

有六七千名所餘諒屬無幾乃明亮等自前次奏

到後距今已逾旬餘未據續有奏報或現在緊躡

賊蹤無暇具摺此時賊匪已折竄鎮安秦承恩與

王文雄馳赴山陽一帶探蹤迎擊明亮等務須趕

緊跟剿會同夾擊倘與賊以暇再稽時日或致賊

匪復有南竄與齊王氏等合夥之事則舒亮穆克

登阿卽前車之鑒況此時高均德股匪在漢江之

北而齊王氏等屯聚西鄉一帶在漢江之南相距

尙遠賊勢未能遽合明亮等尤須奮力追剿擒獲

高均德再赴西鄉協剿後股竄匪以期立功自贖

至漢江南北一帶係川陝交界之處現經勒保分

派楊秀並札知恒瑞等分設堵禦是川境布置較

爲嚴密而西鄉竄匪雖有柯藩赴彼堵剿尙覺兵力稍單前令宜綿速回陝西於興漢一帶擇要駐劄計此時宜綿自己趕赴陝境酌派兵將嚴防江岸如齊王氏等一股尙在西鄉滋擾卽可與柯藩合力截剿毋令渡江與高均德合夥

上諭內閣曰舒亮穆克登阿帶兵六千餘名剿辦白巖山賊匪旣未能速行掃蕩又未能嚴密圍堵致

令逸出與他路賊匪合夥其罪實無可追著將舒  
亮穆克登阿官職全行黜革作爲兵丁留於軍營  
効力贖罪並將伊二人家產查抄示儆仍著勒保  
留心察看若伊二人再不知奮勉報効卽於軍前  
正法示衆如此嚴行懲創俾各路帶兵大員咸知  
儆惕庶足以肅軍紀而飭戎行